

國祚無疆

靖通庵題緣疏

靖通庵者三十代天師虛靖真君修鍊處也真君生宋熙洽之時嘗結園山頂功行既著迨崇寧間徽廟崇道尤篤同王侍宸文卿林侍宸靈素遭際特甚禱祠祭禱皆有異徵未幾宋社既遷而真君皆先後坐脫凡其超解茂蹟具載紀述而庵之建于宋元者累經兵燹劫灰更創非一矧以歲久日遐不無傾圮雖本山之修葺宜先而力之弗逮必假衆緣是持短疏通于好施長者揮金以成勝事庶幾真君靈貺同垂不泯云

伏以道尊漢室正三十代之仙傳教闡宋朝悟五千言之秘奧屬徽廟尊隆之日協侍宸顯著之功立身將於殿庭揭妖蛟於潮沙蒼龍白虎猶翠竹而碧梧赤馬紅羊仍青編而紫閣既飾皈依之地敢忘葺弊之勤爰欲圖新必干衆助鶴歸遼海還瞻瓊館翬飛鳥化泗洲喜見瑤臺傑出共資

宸貺均被靈休

峴泉集卷之七



峴泉集卷之八

著山無為天師張宇初撰

疑三

賦

澹漠賦

粵太初之冲漠兮紛萬靈之資生爰混沌之始鑿兮列儀象以為經根動靜而始畫兮送奇耦以五行曰圖書之是則兮立三極以權衡時俯仰於浩渺兮五消長乎生成維三五之妙合兮究歷環樞而內凝網緼以塊垓兮煌耀而惚恍漠虛靜而恬逸兮求玄珠於象罔湛一黍之空懸兮儼雲蒸而霓朗抱規中以潛淵兮廓浮游以潤濬旋乾坤之復始兮協降升以輟輶濯暘谷而適皇兮傑扶搖兮沉澹策陸旆聯蕙綬兮謁靈君於輝晃燕玉液與桂漿兮翳緜纒之鬱泱乃授而曰混茫兮超澹漠乎寥閔是庸滌此泮忍兮返玄精於蘊質駕黔羸之曖暎兮御六炁之豐蔚資離明以貫坎晦兮乃弭節而運一息何周始之無端兮曰涓滲而有淪期羨得而遐舉兮由乃味乎醇真松喬矯而壽考兮英椿松之

與隣彼豈信偷生兮潛崖谷之藉辛志冰霜之高節兮眇幻有若漏塵豈紛華之謂夫兮溺羸穢何由論慨予生之蹇鈍兮徒留志乎昔芬漫先訓之紛糾兮悒予中之莫伸悒悒快樂大化兮頽衡槁而隱綸棄詭謾而釋策兮叩厖鴻乎問津絕桑濮之蛩嘒兮大音浩乎若聞胡康匏之見寶兮又何顧乎商敦慨杓鑿之鉅錡兮若異質於菁蕙尚何眷耀燿兮每希祭而嘆悴孰不固予之操兮仰老列之猶貴伊楊雄之守玄兮且美根而密閔矧屈子之遠遊兮亦中存其灑氣潛沉濁以虛待兮聊漱鑿而猶豫遠娉嫫觀隅限兮宜殉潔以蟬蛻惟實誼之哀鵬兮了死生以奚慮孰若御厥冷風兮造列缺之何繁外爾躬之附琴兮豈為物之蠹蝟落晨星之寥落兮徒餘光之衍洩悲埃墟之阨陋兮獨徨徨而惓惓紛蘭佩而欲遺兮纂薜蘿以審釋矚芳躅之欲追兮邈高鶩而峯峩露華於菊英兮感質靡而形踏齊物我於穉米兮曠窮途而奚恤仰威鳳之高翔兮曷德輝之悒懔懼跋

龍之跬躡兮騎膠轕而靡賦將求之以叩丹丘兮詎知無言之玄默

操

著山操

山之巔兮莫瞻龜魯山之木兮其中斤斧山之幽兮祇以栖處志之遺兮世獨予忤皇初有作兮嗟余焉觀

歸樵操

我巢於林孰觀其憂伊我遐慕曷敢不由懷古之人惟守我常樵斯我採胡使伐傷彼牛有蔚我往曷銜世莫予心奚悲我音

佩蘭操

蘭之芳兮其質漪漪我將佩兮孰觀我思邈其遠兮霜雪靡漸陟其邇兮榛棘維滋我植而晦兮悲其潛斯潛兮潛兮無揚爾馨兮無華爾姿

假神釋

天倪邈難窺萬彙紛往復至理融大鈞一本森化育虛靈宰妙樞无機運亭春消長互詘伸玄渾體群屬昭晰亘一初垢氛曷驅束天

壽豈二途短修更羈促松喬古仙人騁駕逸騰躡矯首願從之孤鶩眇趨逐委順埃墟中櫻寧去污漬肖形等蟬蛻濡沫更統族曠視寓六骸贅疣奚見獨潛真絕町畦淵澈淨無欲誰云昧喜懼旦夕每落觸廓然外天地吹息猶轉燭千齡垂耿光至神求昭煜

述懷

怵怵穹壤間一炁互磅礴宇宙充八紘虛靈湛真覺紛華苒蜚聚橫戾競奔鱷爭淪桀跖違為志孔顏樂凝冰惕霜履熾焰撫薪愕孰達衛運幾聊從澹遭泊誠道洞一初精微曷綿邈秋空徹靚淵霽月瑩潛壑千古奚與同休焉守冲漠

寒暑迭推遷今古更代謝健行運不息圓方奠高下雨露孰非教風霆備生化至理宰炁機裁成範陶冶大哉體誠明遵養緝純嘏立命斯建本憲章足資藉曷令斧藻非愆癘之甄煨淇澳漠餘聲玄功漫悲灑孔墨素殊道孟荀良異功間關赴衛魯王道終誰從淳于志不屈堅白歸孫龍齊頌鼓騶

爽美新慨楊雄玄言晦驚老關鷓知求中莊

列擅雄怪駢到師談空立言始周弊誕謾將

焉窮善時苟不利曠達歸無終

至道妙三極人文著皇衷仁義本天性賦質

何智家主敬乃純一操持慎厥躬中和宰衡

軌發育居神功鑽仰思續緒危微惟篤恭昧

彼夸毗子罔趨濂洛風幽貞抱遐慕郭郭將

奚從樂只魚鳥住契茲泉石從寥寥太古調

俛默還羲農

抱真悟懸解齊物探吾玄偃月兆鄞鄂規中

契潛淵虛明罔樞極妙契交迴旋陽火溢真

候陰冰解寒泉黃中運輿轍一息還周天瓊

液孕靈根玉華爛芝田神化匪言測微圖浩

冥詮夙味玄命秘乘風招倭倭太和在葆合

控駕凌高騫

坐忘燕踵息薄俗紛馳縈苟知達生理洞徹

性命情追提匪遊乃犧繪信天矧禍福相倚

伏存亡宜自明替疢盡土其狸辨奚足徵申

公竟返轍轅固終途行巢許愧清流叔時號

賢卿浩歌採苓吟豈復羅櫻寧躡步誠跋鱉

寵辱何足驚

盜名鄙田史醜蚋美足悲禽犢乃身美蒙鳩

匪若危仲尼返鳴犢真公去之奇僖負豈蒲

鞏蹇叔空騏驎卓礪招遠風千齡美同歸吁

嘻魏莊子胡獨嗟嘆為採封行且歌求赴山

林樓

天地亦形器陰陽擅屯蒙吹萬紛錯行杓鑿

焉偶通糟茅妄沉溺駒撮異均同素履貴貞

固含章視文中却缺藉耕鑿遠瓊潔有容弦

章謝魚乘沉猶絕羊蹤尺蠖變蒼黃誹譽戒

木公衛風慨拍舟川逝何忽忽林類默無言

拾蕙歌幽叢

擬古

朝陽昇東樹微月流西岑鳴河遡急欄衆鳥

亦交吟春夏氣候殊涼燠自駸尋遐慕期永

託斯人藹蘭襟邈然與世隔空睇瑤華音騫

修曷為言感慨授吾箬

靈陰晦陽彩清風入床幃梁燕巢舊墨瀟瀟

起高飛庭木鬱南榮川流迅東歸枳棘塞道

途躊躇竟何之陟彼崇丘高苞蕭四紛披去

去勿復言緇塵易沾衣

迢迢東山行逶迤西北蘭佩之欲何歸烈風

吹暮寒凝氛日涸凍霜露涉愈艱所惜芬馨

質恐貽蕪穢殘泉流聲悲咽玄蟬號空山隰

岑空欲採俱俱奚獨安

東山高且夷溪流急何深翔鳥奮高飛浮雲

結重陰春芳茂百卉悲風蕩陽林榮悴等朝

暮老大徒駸駸富貴焉苟圖寰宇恥千金商

山紫芝秀園綺終何心

驅車出西城城野多芳樹霏霧霑雲橋繁陰

蔽庭戶寒日下長河迢迢南征路念我久離

居行行重回顧人生百年內憂惟知幾度明

月照崇岡衆星纒四五悵望欲何之淒淒秋

風暮

冬入寒氣至北風吹楊園落木號秋聲夕景

照西軒不知夜未央星影明且繁秣馬涉堅

冰遊子嗟路難念我平生懷接跡難為言冰

絲抽妙音餘響流雲端矯首千古思轉燭復

歲寒

東北有嘉樹日暮微風涼霖潦益載途浮翳

猶飛揚夕照下西嶺餘光燭幽房白露盈階
除明河依復昂披衣起徘徊胡為多內傷但
恐志願違握髮條已蒼

擬遊仙

蒼蒼山北芝英崇岡木芳嬌晨夕豔柯葉
自蕃茁羽珮期天遊絕世倫高逸翹跡青谿
外曠規濯淵滴暮昔浮丘翁來嘯駕輕颺卓
華窺峻岳翔控回霄遠引赴六合豈貴徐
韓術浩歌企明轍漠然藉幽密

間聞聲利宅丘山潛避區駟車奚欲營何事
返遶盧攀林陟崇岡援臯俯清渠層本足低
徊焉復被長裾控峒隱柱史鄭圃以一耀達
則奮鴻舉超能肆淵魚冥棲煙霞表浩嘯窺
元初

靈峯高萬仞中有學仙子霧凝崖谷巔雲蔽
泉源渙孰測彼何斯聞乃葛洪氏抗跡沂羅
浮神丹資久視軒蓋東北還珠林竹鸞趾瓊
姬逝我往冷然奮輕羽靈均辭曷通瞻首竟
何俟

擬招隱

步屨事栖隱幽蹊歷迴迂林託匪雲構榛蓬
藉荒隅幽蘭被崇臯餘芳翳環居遙岑列崎
嶽喬林亦葳蕤惟藉耕與牧疇畝已苗畬胡
爾役羈帶峻谷乃吾娛商洛潛東園高立憩
長沮遲伯曷彼招誠欲歌接與

偃息中林阿杪日敷榮下下有清池曲足以
滌塵纓會蔚蒼森中松桂勁且貞叢薄萋萋
莽寒泉瑩孤清組綬罕兼善遐遜可獨膺荷
篠跡荒途巢由絕紛繁至人非前阨大化聊
斯乘悵望將孰契踟躕挹餘馨

夙暮中未符行庭空徒倚徒倚竟誰從斯人
臥衡葦晨陟西嶺臯暮返東臯址崇岡屹高
屏繁木森茂衣企越慨風皇懷陽嚙露卉林
華空亭亭流雲被層峙虛巢薄輕條靈蔭藉
幽宇蹇拙寧有俟聊欲憩宵爽避利足居貞
振袂安所止

擬形贈影

萬物同一本盈虛乃其常天地亦形器流行
藉柔剛健順恒不息太和胡內傷浮生等幻
有靈明昭否臧窮達妄辨媚志違難合張趨

馳苟汚濁沒溺為身殃自昭耿不昧明德誠
無方夕惕慎吾履華違甚冰霜願言紳斯語
庶以善自疆

擬影答形

寓跡俱朝露踐形貴彌肖乾坤等烝機陰陽
曷窺微萬有羅紛紜趨馳競喧耀昏冥日昧
淪汨溺甚汚蕪放癖忘羶滴何由返明照至
哉聖哲徒箴誨幸弘要跬涉猶履冰敬持乃
熙紹誠身慎厥修毋墮百齡請大化同一歸
澄虛以觀妙

擬古意

養心見天則動靜環無端義命本一致降衷
實幽蕃皇皇群聖言服膺惟肺肝盡性斯固
執操存匪貞艱危微在主一居故回奔湍馳
鴛鴦寡欲炎凝生燥寒乾健宜不息化機運
循環誠身乃立極歸會良非難哀哉曲辨徒
嗷嗷分外干壇燭金史華塘姑秦趙懼緬默
謝浮趨憤悱增浩嘆云胡鴻碩生自昔含悲
酸仰止千古期窮神斯大觀

襟詩

晨陰收陽彩風雨來北林節更物候變列樹
增繁陰偃息庭宇靜園禽流好音仰止先民
懷扁坐抱虛心高蹈慕原憲子貢嗟貧侵靈
域安寂照藏密將自任崇情協逸尚慨獨散
冲襟拖履歌黍離曠跡惟川峯

曙星曜餘暉圓景艷秀木達旦陰蛩吟清霜
澹叢菊導渚鳴飛鴻汀葭翳繁綠美人隔秋
水矯跡臥峻谷王霸逸遺風袁安偉芳躅歲
晏欲相從整駕聊躑躅逶迤朝陽暉條已在
林曲

旦夕氣候變林園散餘清飄花委返照向暮
蜻蛚鳴首夏暑未炎芳草交池生息倦步微
月涼颺白露盈棲遲慕周燮偃蹇懷管寧高
視悲幻化顯藏在人弘用懷泉石侶脫屣絕
涇榮

孟夏多涼風炎暑尚未周芳樹葉雲布晨鳥
喧相求幽芳被叢薄遲草亦滋柔日入欣有
託荆榛翳崇丘人生等過隙榮繁俱曉就賦
芋感群狙外身固無尤玩道猶醯雞何復百
世憂

生無涉世意舉俗非吾知身幻每朝露哀樂
常相隨天地觀大全一炁聚散之安貧覺富
勞守賤忘貴危班彪素嗜古周黨良屈奇委
和去紛銳禍福非所貽世無黔婁士斯言當
告誰

寒令無停運四野交重陰日暮浮雲馳悲風
響疎林棲鳥鳴故條懷春發幽吟膏車昧往
轍控翻稀翔音遐託秘玄招曠遊謝塵簪景
光駛飛電曷由契筠心遠矚憩陽岡孤鶩渺
欽崆浩觀漢萬化誰足據吾襟

旦氣忽舒和清明炯無翳流觀洞八垠長養
萌萬彙膏雨鳴檐端春陽藹涵煦晨風動高
林浩蕩長川逝枕藉惟群編虛中迪先志塵
羈弭迅奔情垢息炎熾曷睇龐萌招美投薛
方契慨彼逐末徒寥天昭象帝

秋興

烈風鳴高樹悵然知有秋晨光變川谷日夕
天雲浮積雨解炎候繁陰急鳴蛩延佇感代
謝披襟獨綢繆浮生並蚊蚋吹息同喟秋舍
慨尹生忤緬懷閔天侔委蛇中林託憐慄曷

少瘳貪饒競鈎餌任攘焉自由玄聖欲無言
誰當解吾憂

苦雨漲寒潦愁颺終夜鳴悲蛩響庭戶野渚
荒煙橫草木益黃落撫膺群慮增明燈起床
琴理韻難成聲逸矣黃唐化愠愉徒內盈凝
陰肆淫溢坎壈隨晦明達旦耿無寐徒茲悔
吝生湮淪慨自昔竭慶焉遐征泛觀等一瞬
聊復釋餘情

耀雲提葶收秋氣日蕭瑟霜露漸慘悽蟋蟀
鳴寒夜晨霏翳宮林翔鳥息幽澤攔慘被餘
姿撫感動悽惻流俗競處羅先猷鮮繩墨陰
氛蔽交衢蹀躞逐榛塞宋玉慨悲風靈脩仰
貞則濁醪餐落英軼駕企休德九咤蕙華滋
凋林菊初白聊從澹容與疇能冒時責

朱曦淨炎威商候變金素晨林揚迅颺庭草
盈白露落木被微陽莎雜鳴近戶通波泛平
川鳧鷖鳴導渚潛居靚杪秋代序曷停佇煩
愴千古思高鶩逸遐悵徒增惠連感豈春安
仁慕結軫睇鴻軒濯纓欲河赴棲遲丘園樂
俛仰藉幽韻怡悵樵採蹤浩歌漢中路

謝拙契林以養病群慮消重陰翳肅烈漢潦
瀾崇朝嘉木淨飄脫幽蘭長芳苗索居信虛
澹中谷何悽寥郭泰已巾墊費貽宜轍逸埃
風熾傑狡感惕煩中焦匪藉丘壑憩胡能絕
喧囂偃息任寒煥操觚賦唯嶢寒泉足自瑩

一滌心神超放情歌谷風輟策叢農招

次韻蘇素庵寓興

形質俱幻有陽剛獨貞堅乾坤備健順至理
盈中怕久曠山澤遊春深長芳草悠悠懷故
人千古同斯道

脫跡遺世紛言慕巢居子披榛事幽棲道在
孰吾否落落山谷趣偃蹇臥中林潛居守淵
默千載惟寸心

次韻蘇素庵襟詩

積雨晦餘春幽禽語芳樹飄花委夕風寒流
盡東去節候逝驚滿浮縈渺馳鶩澄觀了萬
化形色自新故晦息斯內持操存自朝暮述
古欲無言刈苗長餘地貞幹凌歲寒松柏豈
凋瘁培養宜及時耘除淨榛穢洞觀萬古期
明德匪行至

微月出東嶼明河澹踈星露華集灌木衰草
陰蛩鳴虛襟坐長夜撫慨憶餘情萬事等埃
腐云胡勞死生悲催偶大夢歲月徒斯征感
此異足嘆百年同醉醒

物性具至理託質溷賢愚利害相糾合狗溺

非智夫哲人達天德生化紛榮枯貴富恥貧

賤降衷初本如衡茅謝形役養拙安吾居

蒙莊悟在有遺幻以休休鄭列語天瑞矯抗

絕時流寓言悚萬世鮮為經濟謀功業付埃

壚身名了無求惠王識大瓠從此忘春秋

明鏡燭妍醜精光匪轉同止水見鬚眉老少

非外容鑿鉅號剛利於伎均屠龍慨此千載

士球礪須良工

次韻蘇素庵詠懷

物生具一本根委宜相因孩提稟靈覺靡不
知所親降質等莽善明晦猶朝昏先訓發深
藏荒嬉遺精勤至和塞宇宙青味非足珍昭德
在躬踐嘉猷必誠身懷茲每嘆逝川月披浮
雲
虛庭被朝旭暄和欣自得踈竹鳴輕颺荒苔

鮮行跡幽居樂靜恬浮務寡馳迫薄俗安流
趨推本曷滋植恣睢日膠韃念之耿深惕熾
隘宜異勢凝道斯至德經訓藉遺轍內損乃
吾益慎哉易初志操省自晨夕

題崆峒石房圖

神媯鍊粹瑛圮叟化靈石惟此天地根琳房

孰鷲闢崆峒世名嶽妙冠軒黃籍廳宇曠天

遊抱真慕遐跡宜茲冥寂士遠託契空碧露

菌益椿齡霜松資服食靈籤寶玉書大藥訪

金液雅好在清暉幽詮窺太易楊江夢川瀨

韶館憩歸鳥不有壺中仙玄黃圖一息雲舍

空洞居月瀉金波夕陰壑秀瓊芳流湍注迴

劇栖神廣漠間浩蕩方瀛適稽首廣成君澄

虛守玄極

峴泉集卷之八